

intuitivè cognosci ab hominibus, cum illis, qui in terris adhuc vivunt, nondum infusum sit lumen gloriæ, sine quò DEUS intuitivè conspici nequit.

CELLULA III.

§. 1.

TAndem quærent Autores, an DEUS sit extra mundum & in spatiis imaginariis etiam præsens? Negativam defendunt *Scotus in 1. dist. 37. q. unica. Capreolus q. unica art. 3. Bonaventura lib. 1. sent. dist. 37. art. 2. q. 1. num. 22. Durandus q. 1. Vasquez apud Arriagam disp. 14. Phys. n. 68. Martinus Schoockius in tract. Philosophic. de Nihilō cap. 8. p. 28. Affirmativam tueritur Hermes Trismegistus in Asclepio, cujus hæc sunt verba; DEUS suprâ verticem summi coeli consistens, ubique est, omniaque cernit. Confer. *Conimbricenses in lib. 8. Phys. Arist. cap. 10. q. 2. art. 2. p. 515. Petrus Hurtadus de Mendozâ disp. 14. Phys. s. 3. Suarez disp. 30. Met. sect. 7. c. 3. Horneus disp. 3. Theol. s. 2. p. 285. Henricus Nicolai in Tractatu singulari Philosophico - Theologico s. 2. §. 7. 8.**

§. 2. Hic tamen sciendum dupliciter aliquid dici alicubi esse, unò modò absolutè & in se, aliò modò cum respectu ad alterum. Priori modò DEUS est etiam extra coelos, non quod ibi rebus ullis præsens sit, quæ illic nullæ sunt, sed quia in se existit & sibi præsens est, sicut ab æternò erat, cum nihil dum præter ipsum esset. Posteriori autem modo est in cœlo & in terrâ, ubi non tantùm sibi ipsi præsens est & in se existit, sed aliis etiam rebus omnibusque creaturis substantiâ & operationibus suis adest. Porrò notandum est, quod spatium imaginarium non sit Ens reale & verus aliquis extra coelum locus, ut quidem volunt *Petrus Fonseca lib. 5. Met. c. 3. q. 7. s. 1. Molina p. 1. q. 8. Albertinus tom. 2. Control.*

rolla.